



FM15/12
Nuuk 18. marts 2015
Peter P. Olsen

2016-imi akileraarutitigut ilanngaatisat il.il. imatut angissusilerneqarnissaannik Inatsisartut aalajangiinissaannik siunnersuut:

- 1. Inummut ilanngaat.....kr. 48.000 (ukiumut)**
- 2. Ilangaat aalajangersimasog.....kr. 10.000 (ukiumut)**
- 3. Aningaasarsiat B-t akileraaruteqaataasussaannigitsut..kr. 5.000 (ukiumut)**
- 4. Killilimmik akileraartussaataasut ilanngaataat.....kr. 1.000 (ukiumut)**
- 5. Kommunitut ataatsimut akileraarut.....6%**

Saqqummiussissut

(Aningaasaqarnermut Aatsitassanullu Naalakkersuisoq)

2016-imi akileraarutitigut ilanngaatisat il.il. imatut angissuseqarnissaannik aningaasaqarnermut aatsitassanullu naalakkersuisoq siunnersuuteqarpoq:

1. Inummut ilanngaat.....kr. 48.000 (ukiumut)
2. Ilangaat aalajangersimasog.....kr. 10.000 (ukiumut)
3. Aningaasarsiat B-t akileraaruteqaataasussaannigitsut..kr. 5.000 (ukiumut)
4. Killilimmik akileraartussaataasut ilanngaataat.....kr. 1.000 (ukiumut)
5. Kommunitut ataatsimut akileraarut.....6%

Aningaasaqarnermut Aatsitassanullu naalakkersuisup siunnersuutaanut Inuit Ataqatigiit matumuuna imaattumik oqaaseqaateqassaavut:

Soorlu naalakkersuisup oqaaseqarneratigut akileraarutitigut ilanngaatisat il.il. 2016-mi ukiormannamut sanilliullugit allannguuteqassanngillat. Nikeriartoqassanngilaq, ukiuni kingullerni qulini ingerlasimanitsitut allanngortoqarani inuunerput taamatut ingerlaqqiinnasasog aningaasaqarnermut naalakkersuisoq siunnersuuteqarpoq.

Akileraarutitigut ilanngaatit il.il. kingullermik allanngortinneqarput 2005-mili. Taamani inummut ataatsimut ilanngaat 10.000,-nik qaffanneqarsimavoq. Taassumalu saniatigut kommuninut ataatsimut akileraarut 2 procentimik qaffanneqarsimalluni.

Imaappoq ukiut qulit kingullit akileraarutitigut ilanngaatit il.il. allannguuteqartinneqarsimannngillat. Assersuutigalugu 1975-mi siullerpaamik akileraarutitigut ilanngaat 20.000,-niusimavoq 1987-ip tungaanut. 1987-imiit 1991-mut 35.000,-. 1992-miit 2004-ip tungaanut 40.000,-. Taavalu 2005-miit ullumikkumut 48.000,-mut qaffanneqarsimalluni. Naatsumik oqaatigalugu; agguaqatigiissillugu ukiut qulit missaat qaanngiukkaangata aatsaat akileraarutitigut ilanngaatit il.il. allanngortinneqartarsimapput

Naatsumik oqaatigalugu ukiut 40-it ingerlaneranni inummut ataatsimut akileraarutitigut ilanngaat katillugu 28.000,-nik qaffariaateqarsimavoq.

Ukiut quliinnanguit matuma siora inuuniarnikkut atukkavut ullumikkuminngaaniit allaanerujussuusimasut oqaatigissallugt immaq eqquumiginalaarsinnaagaluarpoq. Qanormi aamma ukiut quliinnaat ingerlaneriinaani inuuniarnikkut atugarisat tungaasigut taama allanngortoqartigisinnaagami? Immaq taama aperisoqarsinnaagaluarpoq.

Aap, ilumoorpoq ukiut qulit matuma siorna inuuniarnikkut atukkagut ullumikkiminngarniit allaanerungaarput; ulluinnarni inuuniarnikkut atukkavut ukiut qulit kingulliit ingerlaneriinnaanni ajorsigaluttuinnarsimapput, minnerunngutsumik ukiut pingasut kingulliit uku qiviasagaanni.

Naluneqanngitsutut suliffissaaleqineq qaffakkiartuinnarsimavoq, meeqqat atuarfianiit naammassinngitsoortartut amerligaluttuinnarsimapput, angerlarsimaffeeruttut, angerlarsimaffimminiillu anisitaasartut amerligaluttuinnarsimapput.

Naatsumik oqaatigalugu piitsut piitsunngoraluttuinnarsimapput pisuullu pisuunngoraluttuinnarsimallutik. Piitsut pisuullu akornganni assigiinngissuseq annertusigaluttuinnarsimavoq.

Inuit Ataqtigiinni pissutsit taamaattut akuersaarsinnaanngilagut, piffissanngorporlu iliuuseqarnissatsinnut. Uninggaannarsinnaanngilagut iliuuseqartariaqarpugullu. Qanormi taava iliusaavut? Apeqqut pissangartoq imaaliallaannarli akineqarsinnaanngitsoq, akissuteqarfigineqartariqartorli.

Naluneqanngitsutut marts 2011 akileraartarnermut atugarissaarnermullu isumalioqatigiisitaq isumaliutississutiminik saqqummersitsivoq.

Isumaliutissiissumi saqqummersumi, aningaasarsiornikkut, tapiissuteqartarnikkut, akileraartarnikkullu qanoq aaqqissuuseqqikkutta aningaasarsiornep tungaatigut ilorraap tungaanut aallariaqqissinnaanersugut atuarneqarsinnaavoq.

Isumaliutissiissummi tassani atuarneqarsinnaavoq, akileraartarnerup tungaatigut nutaamik piaartumik aaqqissuuseqqittoqartariaqalersoq, aaqqissuuseqqittoqanngippallu tamanna annertuumik inuiaqtigiinnut kingulissatsinnullu akisoorujussuanngorsinnaaneranik oqariartuuteqarluni, allaat piaartumik iliuuseqartoqanngippat kingunerisinnaagaa akiligasaq tamarmi kingulissatsinnut nammakkiunneqartoq, aallaallumi kingulissatta ulluinnarni inuuniarnerannik artukkiisinnaasutut oqaatigineqarsinnaalluni.

Taamaattoqarsinnaanngilaq; ajornartorsiut, akisusaaffik imaluunniit akiligasaq kingulissatsinnut tunniunneqarsinnaanngilaq, akisusaaffik uagut nammineq massakkut tigusariaqarparput. Akisusaaffiup tigunissaanut sapiissuseqartariaqarpugut. Iliuuseqartariaqalerpugullu. Inuit Ataqtigiit akisusaaffimik tiguserusuppugut suleqataarusuppugullu.

Taamaattumik Inuit Ataqtigiinniit nuannaarutigalugu oqaatigissavarput, 2009-miit 2013-mut naalackersuisuutitaqarnitta nalaanili aaqqissuuseqqinnerit aallartinnikuusimasagut, ukiunili kingullerni unikkaluarsimasut aningaasaqarnermut naalackersuisortaap paasilluarsimannguatsiarlugit siunnersuummini oqariartuutigimmagu neriorsuutigalugu allaqqunneqarsinnaajunnaalersoq akileraartarnikkut il.il. aaqqissuuseqqittoqartariaqalersoq.

Suliassap aallartinneqarnissaanut peqataanissatsinnullu Inuit Ataqtigiinniit qilanaarpugut.

Inuit Ataqtigiinniit oqaatigissavarput suleqataassallunga piareersimalluinaqqissaaratta, qilanaarpugullu suliassaq taanna pillugu suleqataassalluta suleqatiserineqassallutalu.

Taamatut oqaaseqarluta matumuuna Inuit Ataqtigiinniit oqaluuserisassaq una tusaatissatut tigullugu taamatut isikkoqartillugu aappassaaniigassanngorlugu akuersissutigaarput.